

593 Si kômen die strâzen durch daz muor,  
als Lischöys, der stolze, vuor,  
den er entschumpfierte.  
diu vrouwe condwierte  
5 den rîter mit dem zoume her;  
tjustieren was sîn ger.  
Gawan sich umbe kêrte,  
sînen kumber er gemêrte;  
in dûhte, diu sûl het in betrogen.  
10 dô sach er vûr ungelogen  
Orgelusen de Logroys  
und einen rîter kurtoys  
gein dem urvar ûf den wasen.  
Ist diu nieswürze in der nasen  
15 dræte unde strenge,  
durch sîn herze enge  
kom alsus diu herzogîn  
durch sîniu ougen oben in.  
Gein minne helflôs ein man,  
20 ouwê, daz ist hêr Gawan!  
zuo sîner meisterinne er sprach,  
dô er den rîter komen sach:  
»Vrouwe, dort vert ein *ritter* her  
mit ûf gerihtem sper;  
25 der wil suochens niht erwinden.  
ouch sol sîn suochen vinden,  
sît er rîterschefte gert,  
strîtes ist er von mir gewert.  
sagt mir, wer mac diu vrouwe sîn.«  
30 si sprach: »daz ist diu herzogîn

si kam ([ka\*]: kamen V) die \*T (G L)

einen r. \*G (nur GI)

gên der var \*T (nur Q) · ûf dem w. \*G (ohne I) (V)  
ist iu nieswurz in der n. \*G (nur G)

in sîn h. (sines herzen I) e. \*G

ist mîn hêre G.! \*T (Z)  
hin ze s. \*G (ohne L) (\*T)

er sol \*G (ohne Z) \*T

mir om. \*G

\*D: D Z \*m: m \*G: G I L Z \*T (Q): Q V

1 Initiale D Z L 7 Initiale I 14 Majuskel D 19 Majuskel D 21 Initiale V 23 Majuskel D 27 Initiale I

10 sach] gesach Z L 16 durch] Jn Z 19 helflôs] helfelose Z 20 hêr] mîn her Z 21 zuo] Hin zv Z 22 komen] wider \*m 23 Frowe da vert ein ritter her Z · ritter] om. D 28 strît  
von mir wirt er gewert. \*m 29 mir] om. Z